

docriver 文川网  
入驻商家 古籍书城  
在文川网搜索古籍书城 获取更多电子书

中國方志叢書·華中地方·第四〇一號

據 清·趙之璧編纂  
清乾隆三十年刊，光緒九年重印本

影印

江蘇省

# 平山堂圖志



成文出版社有限公司印行



中國方志叢書·華中地方·第四〇一號

據

清·趙之璧編纂  
清乾隆三十年刊，光緒九年重印本

影印

江蘇省

# 平山堂圖志



成文出版社有限公司印行



\*10097835\*

中華民國七十二年三月臺一版

平山堂圖志 全二冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六〇（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

docsriver 文川网  
入驻商家 古籍书城

在文川网搜索古籍书城 获取更多电子书

平山堂圖志

光緒九年歲次癸未九月

三吾後裔歐陽利見重刊

平山堂踞蜀岡巔宋慶歷八年廬陵歐陽文忠公  
守揚時所築也蜀岡在宇宙間不足以言撮土揚  
州地勢平行俗好爲高樓傑閣以收遠景平山堂  
特其一耳乃流傳至今七百餘年屢廢復興登斯  
堂者至低回留之不能去豈不以其人哉我

聖祖仁皇帝臨幸斯堂寵頒

御藻我

皇上四幸江南

宸翰龍章極寵遇褒嘉之美異世名賢遭逢

聖主信千古所未有也之壁奉

命膺轉運之職來居是邦雖無守土之責而高山景行  
向往維切况恭逢

翠華蒞止得備埽除供頓之役瞻

雲漢之昭回邈前賢之芳躅其歡欣踴躍有不自知其  
然而然者因以其暇日與一二好古之士流覽山  
川網羅載籍汰舊志之繁冗變其體裁而益以未  
備因平山堂以及蜀岡因蜀岡以及保障湖因岡  
與湖以及諸園亭祠寺竊仿古人左圖右書之義  
勒成一書曰平山堂圖志縱未敢爭勝前人要於  
歐陽公所云事增於前文省於舊者其庶幾焉夫



地以人傳而人之傳又視其遇不遇之壁旣私  
躬逢其盛而又慶斯堂之遇則是役也其不可以  
已矣夫時在乾隆乙酉七月旣望天水趙之壁序  
於揚州官署



平山堂圖志凡例

一古地志並稱圖經蓋古人左圖右書不可偏廢而與地形勢尤非圖不明唐李吉甫元和郡國圖志宋王存九域圖志皆其例也平山堂志繪圖既多故亦稱圖志云

一平山堂舊有汪應庚攬勝志程夢星小志俱極古雅可觀但所重專在藝文一門故事不無缺略今志博搜羣籍類別區分庶幾體裁略備

一平山堂恭逢

聖祖仁皇帝翠輦時巡親灑

宸翰

欽賜內織綾播一首於寺我

皇上四幸江南

御製詩文聯額炳耀日星

上方珍玩

頒賜稠疊賢守名山極千古遭逢之盛今特敬謹繕錄

冠諸卷端永爲山靈光寵

一揚州諸山以蜀岡爲雄冠保障河受西山諸水

滙蜀岡前迴環曲折而南至於硯池兩岸園亭

如綺交繡錯然惟平山堂之名爲最著茲志以

山水爲經而以平山堂左右祠寺及園亭各勝  
爲緯仍總稱曰平山堂志以從其著焉

一藝文詳於宋元以前至有明一代則區別頗慎  
我

朝名家輩出隨珠荆璞美不勝收然惟其人已往者載  
之靈隘母煩較舊志不過十之二三而已

一小秦淮乃小東門外夾河無關延賞寶祐城在  
蜀岡以北蒙谷茶園時會堂春貢亭崑邱臺諸  
古蹟又在上方寺側皆去平山堂甚遠舊志雖  
收今不復錄

一古書之足資考訂及有關建置興廢者已悉扶  
入名勝門內自餘方言詩話軼事異聞或稽之  
史傳或採之說部細大不遺總爲雜識一卷用  
殿全書以資博覽

平山堂圖志凡例

平山堂圖志目錄

卷首

宸翰

圖

卷第一

名勝上

卷第二

名勝下

卷第三

藝文一賦

卷第四

藝文二 詩一

卷第五

藝文三 詩二

卷第六

藝文四 詩三

卷第七

藝文五 詩餘

卷第八

藝文六 記一



卷第九

藝文七

記二

序

銘

卷第十

雜識

docsriver 文川网  
入驻商家 古籍书城

在文川网搜索古籍书城 获取更多电子书

平山堂圖志目錄

宸翰

兩淮都轉使司鹽運使董學積宣錄

世祖章皇帝

額

敬佛慧因寺

聖祖仁皇帝

詩

平山堂

宛轉平岡路向西山堂遺構白雲低  
簷外風高鳥亂啼仙仗何嘗驚野夢  
鳴鑣偶爾過幽棲

文章太守心偏憶

歐陽修自題平山堂詞有文章太守之句

墨灑龍香壁上

題

額

平山堂

賢守清風

怡情

澄曠

以上平山堂

蓮性寺

本寺

御賜

內織綾旛一首

御碑

上巳日再登金山詩並唐句一首建亭蓮性寺左

臨董其昌書絕句一首建亭平山室西園內

靈隱寺詩一首建亭平山堂右

世宗憲皇帝

聯

萬松月共衣珠朗

五夜風隨禪錫鳴法淨寺

皇上

詩

平山堂作

辛未春仲

梅花纔放爲春寒果見淮東第一觀  
馥馥清風來月牖  
枝枝畫意入雲欄  
蜀岡可是希吳苑  
永叔何曾遜謝安  
更喜翠峯餘積雪  
平章香色助清歡

平山堂一律

丁丑春仲

西寺西頭松竹深  
歐陽舊蹟試遊尋  
江南山色秀無盡  
二月韶光美不禁  
四字簷端垂

聖藻千秋座右揭  
官箴春巡處處

前徽仰到此尤  
屢顛俊心

雨中遊平山堂一律

丁丑二月十日

麥穎新抽正資澤梅英乍濯雅宜遊可教古寺徒吟  
謝遂使平山不問歐堤柳垂垂度烟重篷筠泠泠入  
寒浮微嫌絲管饒繁會咫尺林泉負冥搜

自高旻寺行宮再遊平山堂即景六首

前朝煙棹寧耽玩供帳因他率已陳自是晴明山色  
好重教遊騎策高旻

富庶從來說廣陵滿城絲管映街燈康風擬令崇浮  
約謀食貧人慮失憑

春風行館憇天寧阜見平山黛色青便進湖船漾新  
碧且看夾岸畫爲屏





一朶花宮結淨因，周環綠水漾波新。  
歌臺畫舫何妨鬧，恰是亭亭不受塵。

慧因寺

丁丑春仲

竺蘭法宇綠川濱，棹返平山一問津。  
禪衲已知因是慧，試言慧復是何因。

平山堂

壬午仲春

賢空建堂鄰大明，江南山色與簷平。  
家聲讓彼稱三至，朋盍欣茲近四并。  
古往今來總佳話，松風水月那閒情。  
林泉不異前巡況，一卷真教畫裏行。

又絕句一首

壬午仲春

平山堂畔石欄圍甲乙由人弗是非三度頻臨收勿  
幕勞民勸相慎幾微

又絕句八首

壬午

九峯園畔換輕舟古郡城西初度遊二十四橋雖莫  
辨紫薇猶足緬風流

樓臺絲管廣陵擅廿里雙隄隙地無幼澤老扶恣瞻  
就吾心所喜在斯夫

陪臣賀所大宛朝侍衛攜來不憚遙便許隨觀都踴  
躍無文徑說踐紅橋

舟移岸轉換歌聲早見平山翠黛橫五載流陰纔瞥

眼越豪今日是今情

一脈西來總蜀岡安名立字定何妨東山偏自稱功  
德蓮界因之禮法王

瀑泉淖惚落雲空宛轉輕輿有路通對峙雙峯度雲  
棧笑他望蜀太求工

山堂小憩引遐思論世端宜尚友茲漫惜梅花開未  
盛看梅恰合是斯時

閨藏芳信待維揚霽旭和風了不涼綠蕙紅椽爭放  
色平山今日識春光

再遊平山堂作

壬午仲春望前一日

時節逮花朝百卉舒韶光駐蹕百餘暇爰再遊山堂  
遠迎坡梅紅近拂隄柳黃夾隄多名園時復一徜徉  
遇佳輒留題好樂亦戒荒畫舫不知遙至止大明旁  
迥出適所逢試問因何芳地勝究以人畢然懷歐陽  
既乃怵然懼得毋誚馮唐

遊平山堂

壬午四月朔日

畫舫輕移邗水濱人思六一重遊巡陰陰葉色今仰  
夏袞袞花光昨餞春巧法底須誇激水淳風惟是慙  
投薪江南山可平筵望望豈因山因憶民

題蓮性寺作

壬午仲春

江都城北多陂澤水物由來清且奇  
瀟灑青蓮宇標  
性交蘆同悟合還離

題慧因寺作

壬午仲春

金粟如來是慧雲迴超緣覺與聲聞  
猶嫌靈運爲饒  
舌孟顛精勤底足云

平山堂絕句八首

乙酉

曉烟欲泮猶未泮山色如遙却不遙  
一路名園都可  
憩木蘭先泊倚虹橋

纜牽春水拍舟輕戟戟新蒲刺水生  
夾岸樓臺不知  
幾飄飄都在鏡中呈

docsriver 文川网  
入驻商家 古籍书城

在文川网搜索古籍书城 获取更多电子书

澹蕩輕風靜碧淪堤籠絲柳拂船唇  
石隄緹騎非嚴蹕爲挈銀牌賜老人

春光滿眼已撩人梅白棨紅倚翠筠  
屈指長橋過廿四風流誰是紫薇倫

有時躒步有時舟幾暇聊成爛漫遊  
饒舌咄哉此言失得閒吾豈樂天流

傍下徂雲忽放晴平山濯翠益分明  
吾寧徒爲游山計計到田功實暢情

綠竹參天一逕細白梅似海萬株多  
援毫題曰小喬雪大者淡句較若何



梅塢西鄰即蜀岡春風依舊坐山堂適來絲管真妙  
聒恰喜松風一掃涼

平山堂

乙酉仲春

鬱律山堂倚碧嶒建時猶自紀廬陵羶薌佳勝七百  
載嘯咏風流四五朋必有真能被民澤不然何以至  
今稱重來拱讀

奎章煥旌淑原從漢詔徵

功德林

乙酉春月

竺宇平山左厥名功德林石磴雖不高亦足具四臨  
右俯適來川絲管猶繁音左挹麥勝綠實覺娛吾心